

Ammasumik ataatsimiinnermi oqaluuserisassat:

- Imm. 01 Oqaluuserisassat akuersissutigineri**
- Imm. 02 Allaffeqarfimmit paasissutissiineq**
- Imm. 3.1 Sisimiuni Maniitsumilu kalaalimineerniarfennut missingersuutinit nuutsineq**
- Imm. 3.2 Akunnermusialinnut nuutsineq – Eqqaavilerineq Itilleq**
- Imm. 3.3 Kussangasup Qooruani immikkoortumik sanaartorfissagissaaneq**
- Imm. 6.1 Maniitsumi Atuarfik Kilaaseqqamik nutarsaanermut 2023-mi aprilimi killiffimmut paasissutissiissut.**
- Imm. 08 Tamalaat**

Aallartippoq 12:39
Naammassivoq 13:31

Peqataasut:

Inuit Ataqtigiit

Nivi H. Heilmann

Siumut

Aqqalu Skifte
Barnabas Larsen Kangaamiut

Naleraq

Nalunaaruteqarlutik peqataanngitsut:

Nalunaaruteqaratik peqataanngitsut:

Karl Lyberth
Gedion Lyberth

Imm. 01 Oqaluuserisassat akuersissutigineri
Akuersissutingineqarpoq

Imm. 02 Allaffeqarfimmit paasissutissiineq

Sisimiut:

Allaffeqarfik pilersaarusiornermut pissarsiorput, aasap ingerlanerani atorfinittoqassooq.

Drift, aputaajaaneq naammassivoq, sioqqat massakut suliarineqarpoq, torersaaneq pilersaarusiorneqarpoq aammalu aqqusinermi asfalterinissaq.

Kran sissamiittoq atulernikuuvoq, stub utaqqineqarpoq.

Nunaqarfinnut angalasoqassooq, pingasunngornermi, qimmit Sarfannuani/ Itilleq kapoorneqassapput.

Ulrik qatserisartullu angalaaqataassaput, misissungassat misissuiffingineqassapput, siornalu naammasisat.

Ikuallaavik ingerlavoq, millusaasq neqeroorut utaqqivarput, kingorna nalilersorneqarumaarpoq.

Sanaartukkanut tunngasunik

Maniitsoq anlæg-imi sulilerpoq, Mikael Kreutzmann, ATV mut aqut liciterernikuuvoq, BJ suliarinnissooq, økonomi aqquingineqassaaq, paasissutissiineqassaaq.

Grusvej Kangerlussuaq opmåling, Masanit.

Kangaamiuni atuarfik liciterernikuuvoq, kisianni sanaartortut piffissaqanngillat, entreprenørinik pissarsiortoqassaaq.

Multihal Sarfannuani suliaq uninngagallarpoq, sag-erli Rambøll suliamik misissuivoq.

Allaffeqarfimmiik nalunaarutissat – OTM Maniitsoq

- Puttasut piareersartut
- Aqqusinilerisut sioraajaanerup kingorna asfalt-ilerinermit atortut piareersarneqarput.
- Kangaamiunut angalasoqassaaq
- Atammimmut eqqaavissuarmut poortuiartortunik suliarortitsisoqartoq.
- Atammimmi inissiassat uninngagallarput feriartoqarnera pissutigalugu.

Imm. 3.1 Sisimiuni Maniitsumilu kalaalimineerniarfimmitt missingersuutinit nuutsineq

Journalnr. 06.01.02

Tunuliaqutaq

Teknikkeqarnermut Avatangiisinullu immikkoortortaqaarfimmi qaammatikkaartunik aningaasaqarnikkut nalunaarusianut atatillugu kalaalimineerniarfiup ingerlatsinermit missingersuutaani kiisalu isertitanut missingersuutaani naapertuuttoqanngitsoq maluginiarneqarpoq. Suliamik saqqummiussaq una kalaalimineerniarfiup missingersuutaanik atuiffimi ataatsimi katersuutsitsinissamik siunertaqarpoq, taamaalilluni kalaalimineerniarfimmitt aningaasaqarnikkut takussutissaq tamakkiisooq ersarinnerulerluni.

Maleruagassatigut tunngavigisaq

Qeqqata Kommuniaut karseqarnermut naatsorsuuserinermullu najoqqutassiaq.

Pissutsit atuuttut

ERP-mut ikaarsaarnermi atuiffimmitt pilersaarummik nutaamik pilersitsinermit atatillugu, atuiffik 562040100-Sis kalaalimineerniarfik aamma atuiffik 563030100- Man kalaalimineerniarfik pilersinneqarput. Atuiffimmi tassani kalaalimineerniarfiup kaaviiartitai isertitatut allanneqartassapput tamatumani aammattaq atuiffimmi tassani aningaasartuutit allanneqartassallutik.

562040800-1001075005-Sis teknikkikkut ingerlatsineq-tuniniaaviit ataani Sisimiuni kalaalimineerniarfimmitt 1.291.602 koruuninik missingersuuteqarpoq.

563030800-1001075005-Man teknikkikkut ingerlatsineq-tuniniaaviit ataani Maniitsumi kalaalimineerniarfimmitt 1.155.253 krouuninik missingersuuteqarpoq.

Atuiffinni taakkunani qaamammusalinut akunnermusialinnullu missingersuuteqarpoq, isertitanut missingersuuteqarluni, pikkorissarnernut aningaasaliissuteqarluni assigisaannillu.

Atuilluartuunissakkut kingunerisinnaasai

Suliamut ataatsimut sumiiffimmi ataatsimi atuiffilerneqartumik isertitanik aningaasartuutinillu naatsorsuutinik missingersuutinillu eqqortumik takutitsisunik peqarluni atuilluartuuneruvoq.

Aningaasaqarnikkut allaffissornikkullu kingunerisinnaasai

562040800-1001075005-Sis teknikkikkut ingerlatsineq-tuniniaaviit ataani kalaalimineerniarfimmitt missingersuutit tamakkiisut 1.291.602 koruuniusut atuiffimmitt 562040100-Sis kalaalimineerniarfimmitt nuutsinneqassapput. Ilanngussaq 1.

562040800-1001075005-Sis teknikkikkut ingerlatsineq-tuniniaavinnit 562040100-Sis

kalaalimineerniarfimmitt 563030800-1001075005-Man teknikkikkut ingerlatsineq-tuniniaaviit 2023-mut ukiunullu missiliuteqarfiusunut nuutsinikkut akunnermusialinnut qaamammusalinnullu taaguutilimmik atuiffimmik nutaamik sanasoqassaaq.

Aammattaq oqarasuaatinut aamma innaallagissamut imermullu akiliutit nammineq ingerlasut ima allannagortinneqassapput, siunissami aningaasartuut atuiffimmit eqqortumiit ilanngaatineqartallissalluni.

Allaffeqarfiup naliliinera

Allaffeqarfik naliliivoq, isertitanik akissarsianullu missingersuutinik eqquunnerusunik ilanngussineq, aammattaq naatsorsuutinik takujuminarnerulersitseqataassasoq.

Innersuussut

Teknikkeqarnermut Avatangiisinullu immikkoortortap Teknikkeqarnermut avatangiisinullu ataatsimiititaliamut Aningaasaqarnermullu ataatsimiititaliamut akuereqqullugu innersuussutigaa,

Ukioq mannamut ukiunullu missiliuuteqarfiusunut 2023-2026-mut qulaani eqitsisinut naapertuuttumik aningaasanik nuutsisoqassasoq.

Aalajangiineq

Innersuussut akuersissutingineqarpoq.

Ilanngussaq

1. Kalaalimineerniarfiup missingersuutaanik nutsinermit ikkussuinermit ark – Sisimiut
2. Kalaalimineerniarfiup missingersuutaanik nutsinermit ikkussuinermit ark - Maniitsoq

Imm. 3.2 Akunnermusialinnut nuutsineq – Eqqaavilerineq Itilleq

Journalnr. 06.01.02

Tunuliaqutaq

Teknikkeqarnermut Avatangiisinullu immikkoortortaqqarfimmi qaammatikkaartunik aningaasaqarnikkut nalunaarusianut atatillugu Teknikkeqarnermut Avatangiisinullu immikkoortortap akissarsianut missingersuutaani naapertuuttoqanngitsoq maluginiarneqarpoq.

Maleruagassatigut tunngavigisaq

Qeqqata Kommunia nut karseqarnermut naatsorsuuserinermullu najoqqutassiaq.

Pissutsit atuuttut

Eqqaavilerineq Itilleq, 562040700-1001025001-122010200-010581 *Sis Anartarfilerineq-eqqaavilerineq-akunnermusiat-Itilleq*, ukiumut missingersuuteqqarfiusumut 2023-mut ukiunullu missiliuteqqarfiusunut akunnermusialinnut amerlassusilikkanik amigaateqqarnikuuvoq. Tamanna suliasaq entreprenørimum namminersortumut piffissami siivikitsumi 2014-imi suliariumannittussarsiuunneqqarnikuuneranik peqquteqqarpoq, tamatumani suliasamik tiguseqqinnermi akunnermusialinnut missignersuutit utertinneqqarnikuunatik.

2023-mi akunnermusialinnut 41.222 koruunit immikkoortitaapput, paarlattuanik `siunnersortinut allanut` 285.378 koruunit immikkoortitaallutik. 2023-mut ukiunullu missiliuteqqarfiusunut aningaasanik nuutsinikkut akunnermusialinnut aningaasartuutit matuneqqarsinnaassasut naatsorsuutigineqarpoq.

Atuilluartuunissakkut kingunerisinnaasai

Naatsorsuutinik missingersuutinillu eqqortunik takutitsilluni kingunissaqanngilaq

Aningaasaqarnikkut allaffissornikkullu kingunerisinnaasai

Immik-koortaq	Siuner-taq	Art	Sumi	Allaase-rinera	Aningaasaliis-sutaaqqaartut	Nuutsineq	2023-mut ukiunullu missiliuteqqarfiusunut tamakkiisumik aningaasaliissutit
562040700	1001025001	122141200	010581	Sis teknikkikkut ingerlatsineq - eqqaavilerineq-siunnersortit allat - itilleq	285.378	-285.378	0
562040700	1001025001	122010200	010581	Sis teknikkikkut ingerlatsineq-eqqaavilerineq-akunnermusiallit-Itilleq	40.080	285.378	325.458

Allaffeqarfiup naliliinera

Allaffeqarfik naliliivoq, isertitanik akissarsianullu missingersuutinik eqquunnerusunik ilanngussineq, aammattaq nunaqarfiit akornanni naatsorsuutinik takujuminarnerulersitseqqataassasoq.

Innersuussut

Teknikkeqarnermut Avatangiisinullu immikkoortortap Teknikkeqarnermut Avatangiisinullu ataatsimiititaliamut, Aningaasaqarnermut ataatsimiititaliamut akuereqqullugu innersuussutigaa,

Ukioq mannamut ukiunullu missiliuteqarfiusunut 2023-2026-mut qulaani eqitsisinut naapertuuttumik aningaasanik nuutsisoqassasoq.

Aalajangiineq

Innersuussut akuersissutingineqarpoq

Ilanngussaq

3. Itillimi eqqaavilerisarnermut anartarfilerisarnermullu ikkussuineranut ark

Imm. 3.3 Kussangasup Qooruani immikkoortumik sanaartorfissagissaaneq

Journal nr 17.02 EPR P105 500068

Tunuliaqutaq

Sisimiuni kangerluarsunnguup kujammut sammisortaani ilaqutariinnut ataatsinut sanaartornissamut, sanaartorfissanik taamaattunik neqeroornissamut killilerujussuarmi soqutiginnermik qaffakkiartortumik allaffeqarfik misigisaqarpoq (takuuk Ilanngussaq 7). Tamanna tunngavigalugu Sisimiuni immikkoortut pillugit pingaarnersiunermit allattorsimaffimmik inissiaqarfinnik nutaanik ineriartortitsiffiusussaasumut 2021-mi septembarip 30-anni kommunalbestyrelsi akuersissuteqarpoq (takuuk ilanngussaq 6). Nalunnguarfiup kujammut kangiatungaani immikkoortoq siullertut salliutinneqarpoq. Tamatuma kingorna *Kussangasup Qooruani inissianut, hotelinut sukisaarsaarnissamut sulianut immikkoortumut Kommunip pilersaaruserfigineqarnerani tapiliussaq nr. 50* suliarineqarpoq 2022-milu oktobarip 27-anni kommunalbestyrelsimi akuersissutigineqarluni (takuuk Ilanngussaq 1). Kommunip missingersuutaaniippoq suliniut 500068 sanaartorfissagissaanermut aningaasaliissutit - ataatsimut aningaasaliissutit sumiiffimmuut ataatsimut immikkoortumulluunniit sanaartorfissagissagassamut agguataagaangitsut. 2023-mi aningaasat 18,230 mio. koruunit 2022-mit 2023-mi missingersusiorfiusumut aammalu 2023-mi aningaasaliissutaaqqaartut 8 mio. nuunneqartuupput, taamaalilluni suliniut 500068-imi katillugit 26,230 mio. koruuniullutik.

Maleruagassatigut tunngavigisaq

Immikkoortumik sanaartorfissagissaanissaq pillugu innersuussut Sanaartorfissagissaaneq, pisortat kuuffeqarfinnut aqquersuutaat aamma pisortat aqquciniutaat pillugit Inatsisartut inatsisaat nr. 16. 17. november 2010-meersoq naapertorlugu kommunip pilersaaruserfigineqarnerani tapiliussap nr. 50 suliarineqarnikuusumi ilaatinneqarpoq. Sanaartorfissagissaanermut kommuni akiliisuussaaq aammalu Pilersaaruserneq aamma nunaminertat atorpeqartarnerat pillugit Inatsisartut inatsisaat nr. 17, 17. november 2010-meersoq naapertorlugu sanaatorfissanut sanaartorfissagissaanermi akiliuteqartoqarnissaanut akiliisitsissalluni.

Pissutsit atuuttut

Kommunip pilersaaruserfigineqarnerani tapiliussami nr. 50-mi immikkoortut tullinnguuttut immikkoortitaapput:

- **Immikkoortumut 800-C23-mut** ilaapput, sisorartartut illuaraat, sisorartarfeeraq aamma inuusuttut ornittagaat. Inuusuttunut illumik sammisassaqtitsivimmik sananissamut sanaartorfissamik nutaamik atugassiisoqassaaq. Sanaartugaq 1200 m² tikillugu angitigisinnaavoq quleriinnut 1,5-imut agguataagaq. Taamatuttaaq inuusuttut ornittagaannut atasumik sunngiffimmi sammisassanut assigiinngitsunut periarfissiisumik nunaminertamik atugassiisoqassaaq.
- **Immikkoortortami 800-A19-imi** inissiaqarfik nutaaq atugassiissutigineqassaaq inissianik assigiinngitsunik sananissamut periarfissaqartumik, tassa imaappoq ilaqutariinnut ataasiakkaanut illut quleriinnik 1,5-inik portutigisinnaassapput, illut uigulukutsut/eqimattat quleriinnik marlunnik portutigisiginnaallutik inissiallu quleriaat quleriinnik pingasunik portutigisinnaallutik. Immikkoortumi katillugit inissiat 64 tikillugit sanaartorneqarsinnaanerinnut periarfissaqassaaq. Ataatsimut katillugit inissiat nutaat quleriinni 7740 m²-it sananissaat naligissavaa.
- **Immikkoortumi 800-C24-mi** unnuisarfirmuut pingasunik quleriisumut quleriinnilu 5000 m²-iusumut immikkoortumi pilersaaruserfigineqartumi 4-mi sanaartorfissaq atugassiissutigineqassaaq. Aamma immikkoortumik atugassiisoqassaaq (immikkoortumi pilersaaruserfigineqartumi 5-imi) illuaqqanik attartortittakkanik kiisalu illumut kiffartuussivimut ataatsimoortumik atortulersuutinut saaffiginnittarfirmullu sanaartornermut atugassamik.

Illuaqqanut attartortittakkanut immikkoortumi katillugu sanaartorfiunngitsoq quleriinni 1000 m²-iusinnaapput.

- **Immikkoortumi 800-D21-mi** immikkoortortaq sanaartorfiunngitsoq atugassiissutigineqassaaq, sisoraatiniq arpattartunut ingerlaarfissamik aamma ujaraaqqanik qallikkamik sunngiffimmi pisuttuarterfimmik pilersitsinissamut periarfissiisumik. Taamatuttaaq hest-ilivimmuut nersutit inaannik ilalimmuut nunaminertamik minnerusumik atugassiisoqassaaq.

Immikkoortup 800-C23 ilamernga sanaartorfissagissarneqareerpoq aammalu immikkoortup 800-A19 aamma 800-C24 sanaartorfissagissarneqanngillat. 800-D21 immikkoortutut sanaartorfiunngitsutut immikkoortinneqarpoq taamaattumillu sanaartorfissagissarneqassanani.

Atuilluartuunissakkut kingunerisinnaasai

Sisimiuni Kangerluarsunnguup kujammut sammisortaani sanaartorfissat pillugit saaffiginnissutinik amerlialagalluinnartunik allaffeqarfik tigusaqarnikuuvoq. Nalunnguarfiup kujammut kangiatungaani immikkoortoq annertusarneqarneratigut ujarorneqartoq naammassineqassaaq.

Illoqarfimmik eqiterutsitsineq motoorilinnik angallassinissamut pisariaqartitsinermut annikillisaataassaaq angallanneruneq bussinik, cykkilinnik qaninneruneraluunniit pissutigalugu pisuinnarluni angallanneq pisinnaammat.

Aningaasaqarnikkut allaffissornikkullu kingunerisinnaasai

Akiani ilaqutariinnut ataatsinut illunut sanaartorfissat sanaartorfineqanngitsut arfineq-pingasupput, allaffeqarfilli naliliivoq, taakkunannga tallimaannaat atorneqarsinnaasut (takuuk Ilanngussaq 7).

Taamaattumik allaffeqarfiup naatsorsuutigaa, Sisimiut ukiualuit qaangiuppata ilaqutariinnut ataatsinut sanaartorfissaarutissasoq. Aammattaaq qiterisaqarfittut siunertalinnut sanaartorfissanik atorneqarsinnaasunik neqeroorutissat killeqarput (takuuk ilanngussaq 7).

KB 30.09.2021-mut suliamik saqqummiussakkut nalunnguarfiup kujammut kangiatungaani immikkoortumik sanaartorfissagissaanissamut aningaasartuutissat 15,3 mio. koruuninut tagginneqarput.

(takuuk Ilanngussaq 2). Kommuniq pilersaarusiortifigineqarnerani tapiliussamik nr. 50-mik suliaqarnermi sanaartorfissagissaanermut aningaasartuutinik nalilersuineq 26 mio. koruuninut qaffanneqarpoq, immikkoortup annertussusaa annertusineqarmat. Ukiuni kingullerni akit qaffariaateqarfiuqisuni aningaasat taakku naammassagunangillat, kisianni sanaartorfissagissaanermik pilersaarusiortiqqissaarnerup sanaartorfissagissaanermut aningaasartuutissat paasinarsitilluassavai.

Taamaattumik sanaartorfissagissaanermik pilersaarusiortineq siunnersortinut neqerooruteqarnermik massakkut aallartinneqassasoq siunnersuutigineqarpoq.

Sanaartorfissagissaanermut siunnersortit missiliutaat B pigineqalerpat, aningaasaliissutinut sinaakkutit nalimmassarneqassanersut isummerfigineqarsinnaassaaq.

Sanaartorfissagissaanermik ingerlatsinissamut pilersaarusiortineq aallartinneqarnissaanut aammalu naammaqqissaangajattumik aningaasaliissutit sinaakkuteqasinnaaniassammata ERP-mi suliniummit 500068-mit ERP-mi suliniummut nutaamut 50xxxx nalunnguarfiup kujataatungaani inissianut 50-inut KPT sanaartorfissagissaanermut 2023-mi missingersuutinut 26 mio. koruuninik nuutsisoqassasoq innersuussutigineqarpoq (takuuk ilanngussaq 4).

Ukiuni kingullerni 20-ni sanaartorfissagissaanerit arlallit ajoraluartumik kommunimut imminut akilersinnaanikuunngillat (takuuk ilanngussaq 5). Nalunnguarfiup eqqaani immikkoortoq sanaartorfissagissarneqassappat assingusumik pisoqarsinnaanera pinngitsoortinniarlugu, sanaartorfissagissaanermut aningaasartuutinik agguataarinissamut malikkallagassamik suliaqartoqareernikuuvoq (takuuk ilanngussaq 3). Taanna kommunip sanaartorfissagissaanermi

anigaasartuutaasa sapinngisamik immikkoortumi atuisussaatitaasunit matussuserneqarnissaannik qulakkeerineqataassaaq.

Hoteliliornissamut immikkoortitaq pivisunngunngitsuussappat aammalu sanaatorfissagissaanermi anigaasartuutissatut 6,625 mio. koruunitut siunnersuutaasut akilerneqassappata, akiliutaasussaagaluartut kommunimut annaasaqaataassapput, saqqummiussinnginnermi sanaatorfissat sinnerinut sanaatorfissagissaanermi akileeqataassutissat qaffanneqarsimangippata.

Allaffeqarfiup naliliinera

Allaffeqarfiup nalilerpaa, ukiut tulliuuttut iluanni KPT 50-imut naapertuuttumik sanaatorfissagissaanerup aallartinneqarnissaanut pisariaqartitsisoqartoq. Sanaatorfissagissaanermut aningaasaliissutaasunit KPT 50-imit matussuserneqartumik immikkoortumik sanaatorfissagissaanermut suliniummut nutaamut 26 mio. koruuninik nuutsinermi immikkoortumi pilersaarusionerq aallartinneqarsinnaavoq suliassarlu entreprenørinut neqeroorutigineqarsinnaalissaaq. Siunnersortimit missiliut B kingusinnerusukkullu entreprenørimit neqeroorutit pigineqalerpata, sanaatorfissagissaanissaaq naammassillugu pilersaarusionerqassanersoq isummerfigineqassaaq aammalu aningaasaliissutaasut iluanni suliareqarsinnaalluni imaluunniit suli nalimmassaasoqarsinnaalluni.

Innersuussut

Teknikkeqarnermut Avatangiisinullu immikkoortortap Teknikkeqarnermut avatangiisinullu ataatsimiititaliamut, Anigaasaqarnermut ataatsimiititaliamut Kommunalbestyrelsimullu akuereqqullugu innersuussutigaa,

- Nalunnguarfiup kujataatungaani inissianut KPT 50-imut sanaatorfissagissaanissamut pilersaarusionerq neqeroortitsinerlu aallartinneqassasut
- ERP 500068 sanaatorfissagissaanermut aningaasaliissutinit ERP-mi suliniummut nutaamut 50xxxx Nalunnguarfiup kujataatungaani inissianut KPT 50 sanaatorfissagissaanermut 26 mio. koruuninik nuutsisoqassasoq

Aalajangiineq

Innersuussut akuersissutingineqarpoq.

Ilanngussaq

Ilanngussaq 1 KPT 50

Ilanngussaq 2 KPT 50-imut suliamik saqqummiussaq

Ilanngussaq 3 Sanaatorfissagissaanermut agguataarinermut malitassaagallartoq

Ilanngussaq 4 nuutsinerit-ilassutitut aningaasaliinerit atuiffinnut allattorsimaffillit

Ilanngussaq 5 – Sanaatorfissagissaanermi isertitassanut takussutissaagallartoq

Ilanngussaq 6 Kommunalbestyrelsip ataatsimiinneranit imaqarniliaq

Ilanngussaq 7 Sisimiuni inissianut qiterisaqarfittullu siunertalinnut sanaatorfissanut atorneqanngitsunut takussutissiaq

Imm. 6.1 Maniitsumi Atuarfik Kilaaseqqamik nutarsaanermut 2023-mi apriliimi killiffimmut paasissutissiissut.

Journal nr. B-33, suliniut 500032.

Tunuliaqutaq

Maniitsumi Atuarfik Kilaaseqqamik nutarsaanermut Teknikkeqarnermut ataatsimiititaliaq aamma Ilinniartitaanermut ataatsimiititaliaq aqutsisoqatigiuppuit. TA 5.4.2023 kingullermik ataatsimiinnerani malitsigisaanillu IA ataatsimiinnerani qanoq issusaanik nalunaarsuineramik nalunaarusiamik tamakkiisumik siunnersuutitullu atugassamut titartakkanik siunnersorti suliaqaleruttorpoq. Atuarfimmi atuisunik ulloq 13. maj workshop nr. 2 ingerlanneqarpoq. Una aqutsisoqatigiinnut paasissutissiineruvoq taakkulu oqaaseqaateqarnissaannut apriliimi killiffimmut nassuiaataalluni.

Maleruagassatigut tunngavigisaaq

Karseqarnermut naatsorsuuserinermullu malittarisassat. TA sanaartornermut immikkoortumut akisussaasuuvooq, IA-lu ilinniartitaanermut immikkoortumut akisussaasuulluni, Namminersorlutik Oqartussaniillu ataatsimut tapiissuteqarnikkut, atuarfinnik nutarterinissat kommunimut tunniunneqarluni.

Pissutsit atuuttut

Kujammut sammisumi quleriit pingajuanni silammut iikkani ruujorit aqutaanni oqummik piiaaneq ingerlanneqarpoq.

Quleriaat siulliannut RT nalunaarusiaa tunngavigalugu silaannarissarfiit matoqqasut ammartiterlugit aammalu silaannarissarfiit nutaanik ikkussuineramik ilasillutik sanasut ingerlaleruttorput. Silaannarissarfik silammut silaannarissartoq pioreersoq salinneqassaaq tunniussinnaasaalu misilillugu pitsangorsarneqassalluni. Sulineq una illuutinik nutarsaanermut aningaasaliissutit suliniut 500003 atorlugu akilerneqassaaq.

Ulloq 21.4 pilersaarusiorluni ataatsimiinneq nr. 3 ingerlanneqarpoq, tassanga imaqarniliaq ilanngussaq 1-iuvoq.

Atuarfiup atuarfimmit quleriit qiterlersaannut oqoqarsinnaaneramik illullu iluata silaannaanik misissuinissap immikkoortuata tullissaata suliarineqarnissaanut RT inniminneernikuuvaa, tassunga nalunaarusiaq ilanngussaq 2-juvoq.

Workshoppemi siullermi atuarfiup nutarsarneqarnera pillugu atuarfiup atuisuinut paasissutissanik tamakkiisunik pissarsiarineqarsinnaasut pillugit kissaateqartoqarpoq. Tamanna kommunip paasissutissiisarnermut immikkoortuarnit kommunip nittartagaani pilersinneqassaaq. Taamaaliornikkut Kommunalbestyrelsimi aamma Teknikkeqarnermut- Ilinniartitaanermullu ataatsimiititaliani suliamik eqqartuinerneqat imaqarnilianut, Atuarfiliornermik ataatsimiititaliap ataatsimiinnerinit imaqarnilianit, Sanaartornermut pilersaarummit, Sulinniuteqarnermik ataatsimiinnernit, illup iluani silaannarmut nalunaarusianit, Workshoppinit allakkianit iserfissamik atuarfimmi nutarsaanermik suliaq pillugu tamakkiisumik takussutissaqalissaaq, takuuk ilanngussaq 3.

Nutarsaanermik suliniut pillugu apequteqaatit tassungalu akissuteqaataasut kingusinnerusukkut nittartakkami iserfissalerlugit inissinneqassapputaaq. Atuarfik "Aula" aqutigalugu atuarfiup atuartuinut, angajoqqaanut sulisunullu tamanut tamanna pillugu paasissutissiissaaq.

Atuilluartuunissakkut kingunerisinnaasai

Atuarfimmi sulisunut atuartunullu pitsaasumik sulinerneq atangiisinik kommuni pilersitsippat atuilluartuunerussaaq.

Aningaasaqarnikkut allaffissornikkullu kingunerisinnaasai

Workshoppimit siullermit kissaatigineqartoq malilugu tullegg arfininngornermi ingerlanneqassaaq meeqqanik paarsisitsinnaanermik periarfissalerlugu. Workshoppimi tassani illup qanoq issusaanik nalilersuineri inerniliussaq aammalu siunnersuuttut atugassatut titartagaagallartut eqqartugassanngorlugit saqqummiunneqassaput.

Allaffeqarfiup naliliinera

Kigutilerisarfimmiit init qimatat kigutilerisarfinnik sisamanik initaqarpoq maannakkut gruppernermut initut perusuersartarfittullu kiisalu init minnerumaartut pequusivittut atorneqarallarsinnaasut.

RT illup iluata silaannaanik nalunaarusiaa 21.4.2023-meersoq oqoqassutsip qaffasippallaarneranik takussutissiingilaq. Init ilaannut silaannarissarfiit annertusinissaat innersuussutigineqarpoq.

Nutarsaalluni suliniut ingerlasoq pillugu paasissutissanik tamanik innuttaasut soqutiginnittut aallerfigisinnaasaannik kommunip nittartagaani iserfissamik ataatsimik pilersitsineri, suliniummut pitsaanerumik paasinnittoqalerlunilu piginneqataanermik misigisimasoqalissaaq, aammalu pilersaarusiornermut ingerlasumut isumassarsiasanik aamma isumassarsianik pitsaasunik atuisut tunniussaqaarnissamik periarfissaqalerlutik oqallittarfeqalissaaq.

Teknikkeqarnermut Avatangiisinullu ingerlatsiviup kiisalu ilinniartitaanermut ingerlatsiviup innersuussutaat

Allaffeqarfiup Teknikkeqarnermut ataatsimiititaliamut aammalu Ilinniartitaanermut ataatsimiititaliamut innersuussutigaa:

Apriilimi killiffik eqqartorneqassasoq, oqaaseqarfigineqassasoq tusaatissatullu tiguneqassasoq,

Aalajangiineq

Tusaatissatut inguneqarpoq.

Ilanngussaq:

Ilanngussaq 1: 12.4.2023 pilersaarusiorluni ataatsimiinnermit imaqarniliaq

Ilanngussaq 2: Illup qanoq issusaanik RT nalunaarusiaa 21.4.2023-meersoq.

Ilanngussaq 3: Atuarfiup nutarsarneqarnerani suliamut nittartakkami iserfissatut tulleriaakkat.

Imm. 08 Tamalaat

Barnabas (Nukaaraq), suliariumannittussaarsiorneq kinguneqanngittoq Kangaamiuni.

Aggulunneqarsinnaanersoq suliassat. Ulrik Kangaamiunut angalanguni misissorneqassaaq, suliassaq qanoq annertutinginersoq. Suliaq misissorneqarpoq Mikael Kreutzmannimik.

Illunik isatingassaq Kangaamiuni apeqquut, budgetønske 2022-mi aningaasartalik 1 mill. Tulliani ilaassaaq.

Aqqalu Skifte, talittarfeqarneq, formand oqaloqatingineqarnikuuvoq.

Nivi H. Heilmann, havneråd tunngasumik paasisaqarusuppoq.

Januar-imi ataatsimiittoqarnikuuvoq, sivisuumik ataatsimiittoqanngereerluni.